

Prujétu di Konfiabilidadi di Andrew Square ti Dewar Street

Pamódi Ki Nu Sa Ta Faze Es Prujétu?

Pa midjora konfiabilidadi di sistéma ilétriku di Boston gósi y na futuro, un nóvu linha di transmision subterániu di 2,1 milha y 115 kilovolt (kV) ta ben liga substason di Andrew Square ku sbustason di Dewar Street di Eversource.

Kel prujétu ta inklui tanbe midjoraméntus déntu di linhas di vedason di nos substasons, pa garanti inda más forneshiméntu di inerja siguru y konfiável.

Undi Ki Es Prujétu Sa Ta Fazedu?

Kel linha di transmision di 2,1 milha ta ben pasa baxu di ruas di Dorchester y South Boston, ligandu nos substasons di Andrew Square y Dewar Street.

Kandu Ki Es Trabadju Sa Ta Fazedu?

- **Inísiu di konstruson***: Segundu Triméstri di 2022
- **Data privistu pa fushionaméntu***: Kuartu triméstri di 2023

* Sujeitu a aprovason di tudu dukuméntu nisisáriu pa lisensiaméntu y lokalizason.

Sobri es prujétu

- **Kunpriméntu di róta**: Aproximadamenti 2,1 milha
- **Voltaji di linha**: 115.000-volt (115- KV) linha di transmision subterániu
- **Rivizon di lokalisazon fetu pa**: EFSB
- [Diskrison di Tipus di Konstruson](#)

Atualizasons di Konstruson

Nu ta toma tudu prikauson di siguransa enkuantu nu ta trabadja na kumunidades lokal, y pa tudu algen ki sa ta trabadja na prujétu di konstruson tene identifikason. Trabadju di prujétu ka ta ben interonpe sirvisu ilétriku pa kazas ô stabelesiméntus kumersial.

Nu sta inpenhadu na da vizinhos, stabelesiméntus kumersial y tudu ménbru di kumunidade informason atualizadu sobri atividades di prujétu, prinsipalmente durante konstruson. Pur favor, lenbra ma kalendáriu di konstruson pode muda pur kauza di klima ô di sirkunstáncias inprivistu.

Planus di Jeston di Tránzitu

Trabadjandu en konjuntu ku autoridades munisipal y stadual, inkluidu *Massachusetts Department of Transportation* (Dipartaméntu di Transpórti di Massachusetts), nu dizenvolve un planu di jeston di tránzitu (TMP) pa kada sekson di prujétu.

TMPs ta inklui un planu ditalhadu di lokal, oráriu di konstruson y kontrolus di tránzitu spisiífiku di ária.

Tudu TMP sta sujeitu a alterason y pode ser atualizadu frikuentimenti.

- [Planu di Jeston di Tránzitu pa DCR Roads, Morrissey Blvd., Columbia Rd., Old Colony Ave](#)
- [Planu di Jeston di Tránzitu pa Zónas di Savin Hill y Mary Ellen McCormack](#)

Rivizon di Lokalisazon

Nu intrega un rikiriméntu na EFSB di Massachusetts pa aprovason di konstruson y funksionaméntu di nóvu linha di transmison di 115-kV.

Intréga di rikiriméntu ta faze parti di prusésu di rivizon regulamentar, di akordu ku statutus di Stadu di Massachusetts.

Na 1 di Marsu di 2019, nu intrega es siguinti Rikiriméntu di Lokalizason na EFSB:

- [Rikiriméntu inisial](#)

EFSB konvoka un seson di Audiénsia Públiku na dia 26 di Junhu di 2019 na Boston, undi ki pesoas y grupus afetadu pa rikiriméntu inisial dadu opurtunidad di faze kumentáriu pa *Siting Board* (Konselhu di Lokalizason).

- [Notifikason di Audiénsia pa Kumentáriu Públiku - Inglês](#)

Konselhu di Lokalizason faze un riunion di Konselhu di Lokalizason a distánsia, atravê di Zoom, na dia **30 di junhu di 2021, 1 óra di tardi**, pa obi kumentáriu y vota pa aprova, aprova ku kondisons ô rijeita prujétu.

- [Avizu di Riunion di Konselhu di Lokalizason - Inglês](#)

Disizon Final di Konselhu di Lokalizason pa aprova prujétu sai dia 2 di julhu di 2021.

- [Lê disizon final na Inglês](#)

Divulgason pa Kumunidade

Nu sta inpenhadu na involve autoridadis munisipal, moradoris, stabelesiméntus kumersial, grupus di kumunidade y otus parti interesadu sobri atividadis di prujétu atravê di instrusons munisipal, korespondénsias, riunions virtual y divulgason pórt-a-pórt, ruspetandu orientason di distansiaméntu susial di COVID-19 y otus orientason rilationadu ku saúde y siguransa.

[Inskreve pa resebe informason atualizadu tudu simana, lisiin.](#)

Bu Tene Perguntas?

Mante linhas di komunikason abértu é un parti inpurtanti di nos trabadju na bu kumunidadi.

Pa más informason sobri es prujétu, pur favor txoma linha di ajuda di prujétu pa número [1-833-836-0302](tel:1-833-836-0302) ô manda email ProjectInfoMA@eversource.com.